



MAJLIS TVET NEGARA



**BUKU PANDUAN
MEKANISME PELAKSANAAN SKIM PEMBIAYAAN PROGRAM
PENDIDIKAN DAN LATIHAN TEKNIKAL DAN VOKASIONAL
(TVET) BERIMPAK TINGGI
2025**

(PEMBIAYAAN SKIM TVET BERIMPAK TINGGI)

ISI KANDUNGAN

PERKARA	SENARAI KANDUNGAN	MUKA SURAT
1.0	TUJUAN	1
2.0	TARIKH KUAT KUASA	1
3.0	LATAR BELAKANG	1
4.0	SYARAT-SYARAT PEMBIAYAAN TVET BERIMPAK TINGGI	2
5.0	PROSEDUR PERMOHONAN PELAKSANAAN SKIM TVET BERIMPAK TINGGI	3
6.0	ELEMEN PEMBIAYAAN PROGRAM TVET BERIMPAK TINGGI	4
7.0	KRITERIA KELAYAKAN PELATIH/PESERTA	6
8.0	PENETAPAN PENCAPAIAN OUTCOME	7
9.0	PROSEDUR PERMOHONAN PEMBIAYAAN PROGRAM TVET BERIMPAK TINGGI	8
10.0	PENOLAKAN PERMOHONAN	8
11.0	TATACARA PENGISIAN SURAT PERJANJIAN	9
12.0	PROSEDUR TUNTUTAN BAYARAN BAKI YURAN LATIHAN 10%	10
13.0	PEMBATALAN PEMBIAYAAN PROGRAM TVET BERIMPAK TINGGI	11
14.0	PENALTI & PEMULANGAN PEMBIAYAAN PROGRAM TVET TINGGI	12
15.0	RAYUAN PENALTI & PEMULANGAN SEMULA YURAN	13
16.0	PROSEDUR PEMANTAUAN	13
17.0	KATEGORI PERMOHONAN PEMBATALAN PROGRAM TVET BERIMPAK TINGGI	14
18.0	PROSEDUR PERMOHONAN PEMBATALAN PROGRAM TVET BERIMPAK TINGGI	15
19.0	PROSEDUR TUNTUTAN PEMBAYARAN BALIK BATAL PROGRAM TVET BERIMPAK TINGGI	16
20.0	KUASA MELULUS PEMBATALAN	20
21.0	LAMPIRAN	20
22.0	KUASA PERBADANAN	21
23.0	TARIKH KUATKUASA/ RUJUKAN	21

1.0 TUJUAN

Buku panduan ini adalah bertujuan untuk:

- 1.1 Menerangkan peraturan penyaluran peruntukan pembangunan kepada Penyedia Latihan (PL) dan kaedah tatacara pengurusan pelaksanaan latihan reskilling, upskilling dan profesional di bawah program Pendidikan dan Latihan Teknikal dan Vokasional (TVET) Berimpak Tinggi yang mendapat pentauliahan Jabatan Pembangunan Kemahiran (JPK) atau Agensi Kelayakan Malaysia (MQA) atau daripada agensi atau badan pensijilan profesional atau pensijilan industri berkaitan.
- 1.2 Program ini dilaksanakan untuk menggalakkan institusi TVET membangun dan memperkasakan program latihan kemahiran berimpak tinggi seiring keperluan semasa pihak industri.
- 1.3 Fokus utama pembiayaan program adalah berkaitan kepada bidang utama seperti Kenderaan Elektrik, Keselamatan Siber, Kecerdasan Buatan, Bahan Termaju, Teknologi Elektronik yang memberi tumpuan kepada rekabentuk litar bersepadu serta fabrikasi wafer, Mekanisasi Ladang, Automasi Pertanian dan Penternakan serta lain-lain bidang relevan dengan keperluan semasa dan masa hadapan industri negara.

2.0 TARIKH KUAT KUASA

- 2.1 Pemakaian Garis Panduan Mekanisme Pelaksanaan Skim Pembiayaan Program Pendidikan dan Latihan Teknikal dan Vokasional (TVET) Berimpak Tinggi ini berkuat kuasa pada Garis Panduan ini diluluskan dan hendaklah terpakai sehingga diganti dengan Garis Panduan baharu.

3.0 LATAR BELAKANG

- 3.1 Di bawah kerangka Ekonomi MADANI, Kerajaan akan memantapkan sektor dan industri dengan pertumbuhan dan nilai tinggi (high-growth high value [HGHV]) meliputi lima bidang iaitu industri berasaskan peralihan tenaga; industri berasaskan teknologi dan digital; industri elektrik dan elektronik bernilai tinggi; perindustrian dan asas tani; dan industri nadir bumi.
- 3.2 Agensi Penyelaras akan membantu mengenal pasti, menyemak, mencadangkan PL yang layak dipertimbangkan untuk menerima peruntukan yang dikemukakan bagi penilaian bagi penilaian Jawatankuasa Teknikal Skim Pembiayaan Program Pendidikan dan Latihan Teknikal dan Vokasional (TVET) Berimpak Tinggi. Agensi Penyelaras mengikut

kementerian adalah seperti berikut:

- i. Bidang Kenderaan Elektrik (EV)
Kementerian Pelaburan, Perdagangan dan Industri (MITI) - Institut Automotif Robotik dan IoT Malaysia (MARii);
- ii. Bidang Keselamatan Siber (Cybersecurity)
Agensi Keselamatan Siber Negara (NASCA);
- iii. Bidang Kecerdasan Buatan (Artificial Intelligence)
Kementerian Sains, Teknologi dan Inovasi Malaysia (MOSTI) dan Kementerian Pengajian Tinggi (KPT);
- iv. Bidang Teknologi Elektronik dan Bahan Termaju
Collaborative Research in Engineering, Science & Technology (CREST);
- v. Bidang Mekanisasi Ladang
Institut Perladangan dan Komoditi Malaysia (IMPAC), Kementerian Perladangan dan Komoditi (KPK);
- vi. Bidang Automasi Pertanian dan Penternakan
Bahagian Pembangunan Kapasiti dan Latihan Pertanian (BPKLP), Kementerian Pertanian dan Keterjaminan Makanan (KPKM); dan
- vii. Lain-lain bidang relevan dengan keperluan semasa dan masa hadapan industri negara

4.0 SYARAT-SYARAT SKIM PEMBIAYAAN PROGRAM TVET BERIMPAK TINGGI

- 4.1 Terbuka kepada semua Penyedia Latihan (PL) yang mendapat pentauliahkan Jabatan Pembangunan Kemahiran (JPK) atau Agensi Kelayakan Malaysia (MQA) atau daripada agensi atau pensijilan industri atau badan pensijilan profesional berkaitan;
- 4.2 PL perlu menjalinkan Kerjasama dengan pihak industri dalam menghasilkan tenaga kerja mahir berasaskan keperluan semasa industri.
- 4.3 Mana-mana PL yang telah berdaftar dengan PTPK dengan program yang sedia ada dikehendaki membuat permohonan penambahan skim latihan dan memenuhi syarat-syarat pendaftaran Penyedia Latihan (PL) dengan PTPK.
- 4.4 Program latihan kemahiran jangka pendek selama minimum tujuh (7) hari dan maksimum selama enam (6) bulan sama ada pensijilan penuh,

modular, customized atau Pengiktirafan Pencapaian Terdahulu (PPT) bergantung kepada permintaan majikan/industri di bawah Pensijilan Kemahiran Malaysia (PKM) atau Agensi Kelayakan Malaysia (MQA) atau daripada agensi/industri atau pensijilan industri atau badan pensijilan profesional berkaitan.

- 4.5 Program latihan kemahiran yang dijalankan memberi impak segera kepada penempatan pekerjaan.
- 4.6 PL juga digalakkan untuk menawarkan kursus latihan secara '*added value*' bagi memenuhi keperluan pekerjaan/ industri.
- 4.7 Latihan Kemahiran yang dijalankan di bawah program ini berdasarkan kepada 2 konsep latihan seperti berikut :-
 - i. Konsep Latih dan Penempatan (Train and Place) yang mana pelatih/peserta menjalani latihan di Penyedia Latihan (PL) terlebih dahulu sebelum diberikan penempatan pekerjaan; atau
 - ii. Konsep Penempatan dan Latih (Place and Train) yang mana pelatih/peserta akan diberikan penempatan pekerjaan di industri dan menjalani latihan di Penyedia Latihan (PL)

5.0 PROSEDUR PERMOHONAN PELAKSANAAN SKIM TVET BERIMPAK TINGGI

- 5.1 PL yang berminat untuk menyertai skim ini perlu mengisi borang permohonan secara dalam talian dan wajib menghantar salinan dokumen sama ada secara
 - i. *Softcopy* secara di dalam talian; atau
 - ii. Dokumen fizikal dan menyertakan dokumen secara *softcopy* di dalam pendrive.
- 5.2 Borang permohonan penyertaan skim boleh dicapai melalui pautan <https://tinyurl.com/pembiayaanvetberimpaktinggi>
- 5.3 PL wajib mengisi setiap butiran yang bertanda *.
- 5.4 Cadangan Program Latihan dan Kos Latihan
 - i. Bagi seksyen ini, PL wajib mengisi semua butiran.
 - ii. Jika terdapat tambahan cadangan program latihan, PL dikehendaki mengisi semula keseluruhan borang permohonan setelah menekan butang submit.
- 5.5 Salinan Letter of Intent / MoU / Letter of Agreement

- i. Bagi seksyen ini, PL wajib mengisi semua butiran dan sila pilih 'Ya' jika ingin menambah majikan dan 'Tidak' jika hanya satu majikan.
 - ii. PL dibenarkan mengisi sebanyak lima Salinan Letter of Intent / MoU / Letter of Agreement.
- 5.6 PL hendaklah menekan butang submit setelah mengisi semua butiran di dalam borang permohonan atas talian.
- 5.7 PL wajib mengemukakan Kertas Cadangan Permohonan Pelaksanaan Skim Pembiayaan Program Pendidikan dan Latihan Teknikal dan Vokasional (TVET) Berimpak Tinggi berserta semua dokumen yang berkaitan berdasarkan format di Lampiran 2 dalam Garis Panduan Mekanisme Pelaksanaan Skim Pembiayaan Program Pendidikan dan Latihan Teknikal dan Vokasional (TVET) Berimpak Tinggi 2025. Kertas Cadangan permohonan penyertaan skim boleh dimuat naik melalui pautan <https://tinyurl.com/dokumenmuatnaik>. Sila pastikan nama dokumen adalah berdasarkan nama Penyedia Latihan tuan/puan dan saiz dokumen tersebut tidak melebihi 8 MB.
- 5.8 Jika PL **gagal mengemukakan dokumen** sama ada secara maya atau fizikal bersama pendrive, maka PL dianggap **tidak berminat** untuk meneruskan permohonan ini. Jika terdapat **perbezaan maklumat** antara **dokumen** yang dikemukakan dengan maklumat yang dimasukkan di **dalam talian**, maka PL juga dianggap **tidak berminat** untuk meneruskan permohonan ini.
- 5.9 Tarikh tutup permohonan di dalam talian dan muat naik dokumen adalah seperti yang dinyatakan di Lampiran 2 dalam Makluman Pelaksanaan Program Latihan Kemahiran Di Bawah Dana Skim Pembiayaan Program Pendidikan dan Latihan Teknikal dan Vokasional (TVET) Berimpak Tinggi 2025. **Permohonan yang lewat diterima tidak akan dipertimbangkan.**

6.0 ELEMEN PEMBIAYAAN

Kadar pembiayaan Skim Pembiayaan adalah mengikut yuran semasa yang telah diluluskan oleh Jawatankuasa Pemandu;

- 6.1 Elemen kadar pembiayaan adalah meliputi:
- i. Yuran Latihan;
 - ii. Kos Sara Hidup (boleh dipertimbangkan).

6.2 Yuran Latihan akan dibayar terus ke akaun bank PL berdasarkan tatacara pembayaran semasa yang berkuat kuasa.

6.3 Bayaran Yuran Latihan akan dibuat secara dua (2) fasa iaitu:

i. **Fasa 1:**
90 peratus (%) akan dibayar selepas dokumen permohonan berstatus **“PERJANJIAN LENGKAP”**.

ii. **Fasa 2:**
Baki Yuran 10 peratus (%) akan dibayar setelah pelatih/peserta menamatkan latihan dan mencapai *outcome* Skim yang telah ditetapkan serta diperakukan oleh pihak Agensi Penyelaras.

6.4 Sekiranya tiada tuntutan daripada PL dan perakuan daripada Agensi Penyelaras selepas 3 bulan pelatih/peserta menamatkan latihan, PTPK boleh untuk tidak membayar atau menolak tuntutan baki yuran 10% berdasarkan kepada kelulusan Mesyuarat Jawatankuasa Pemandu;

6.5 Di bawah adalah kadar peratus yuran yang layak dituntut oleh PL:

Status Permohonan Pelatih/peserta	Kadar Kelayakan Tuntutan Oleh PL
Perjanjian Lengkap	Tuntutan 90 peratus (%) Yuran dibayar setelah berstatus Perjanjian Lengkap
Bulan berikutnya selepas pelatih/peserta tamat latihan dan mencapai outcome	Tuntutan 10 peratus (%) Baki Yuran oleh Penyedia Latihan

6.6 PL perlu **mengembalikan yuran yang tidak layak diterima sekiranya pelatih/peserta tidak menamatkan latihan dan tidak mencapai outcome atas sebab yang tidak munasabah**. Pengiraan akan dibuat secara *proportionate* mengikut tempoh pelatih/peserta mengikuti latihan sahaja; dan

6.7 Pembayaran yuran latihan berdasarkan status pentauliahn dan program di bawah Pensijilan Kemahiran Malaysia (PKM) atau Agensi Kelayakan Malaysia (MQA) atau daripada agensi/industri atau pensijilan industri atau badan pensijilan profesional berkaitan yang sah dan lulus.

7.0 KRITERIA KELAYAKAN PELATIH/PESERTA

7.1 PL boleh memohon untuk Skim Pembiayaan bagi pelatih/peserta nya yang memenuhi kriteria berikut:

- i. Warganegara Malaysia;
- ii. Berumur 18 hingga 55 tahun;
- iii. Bukan seorang yang diisytihar muflis;
- iv. Mengikuti program latihan kemahiran di Penyedia Latihan (PL) yang berdaftar di bawah Pensijilan Kemahiran Malaysia (PKM) atau Agensi Kelayakan Malaysia (MQA) atau daripada agensi/industri atau pensijilan industri atau badan pensijilan profesional berkaitan;
- v. Mengikuti program latihan kemahiran yang diperakukan oleh Jawatankuasa Teknikal dan diluluskan oleh Jawatankuasa Pemandu di bawah Skim Pembiayaan Program TVET Berimpak Tinggi;
- vi. Tidak mendapat mana-mana pembiayaan atau tajaan daripada agensi Kerajaan atau institusi kewangan yang lain bagi membiayai latihan yang diikuti dalam tempoh latihan;
- vii. Pelatih/peserta hanya boleh menjalani satu program latihan kemahiran Program Pendidikan dan Latihan Teknikal dan Vokasional (TVET) Berimpak Tinggi pada satu-satu masa;
- viii. Kemudahan skim pembiayaan ini hanya layak diberikan kepada pelatih/peserta SEKALI SAHAJA bagi menjalani satu program latihan; dan
- ix. Pelatih/peserta yang pernah mendapat pembiayaan dalam bentuk geran latihan lain dengan Kerajaan tidak layak memohon pembiayaan di bawah skim ini

7.2 Kriteria Tambahan bagi Mewujudkan Lebih Banyak Segmen TVET

- i. Antara Kumpulan Sasar Khusus yang dikenal pasti memerlukan peluang khusus untuk meningkatkan kualiti hidup dan potensi sosioekonomi isi rumah berkenaan adalah seperti berikut:
 - (a) Dalam kalangan masyarakat Orang Asli terutamanya di kawasan pedalaman;

-
- (b) Dalam kalangan minoriti/ pribumi/ bumiputera Sabah & Sarawak yang masih ketinggalan daripada segi pembangunan sosio ekonomi;

7.3 Kriteria Tambahan bagi Kategori Pekerja Awam/ Swasta

- i. Pekerja sedia ada yang sedang berkhidmat di majikan/ syarikat telah mendapat pelepasan daripada majikan untuk mengikuti latihan kemahiran; dan
- ii. Pekerja yang memerlukan latihan kemahiran bagi tujuan untuk peningkatan kemahiran (*upskilling*) atau latihan semula (*reskilling*).

7.4 Kriteria tambahan bagi kategori Pelatih/peserta Lulusan Sekolah/ Graduan Lulusan IPTA/ IPTS/ Graduan Menganggur

- i. Bukanlah merupakan pelajar sekolah atau pelajar universiti yang sedang menuntut atau pelajar yang sedang menjalani latihan industri dalam tempoh latihan; dan
- ii. Pelatih/peserta yang memerlukan latihan tambahan untuk peluang pekerjaan mengikut kelayakan melalui latihan semula (*reskilling*) bagi tujuan meraih pendapatan yang lebih tinggi.

8.0 PENETAPAN PENCAPAIAN OUTCOME

- 8.1 Pelatih/peserta hendaklah diberikan penempatan pekerjaan terlebih dahulu di Syarikat/ Industri sebelum menjalani latihan di PL berdasarkan kepada konsep Penempatan dan Latih (*Place and Train*) atau pelatih/peserta menjalani latihan di PL terlebih dahulu sebelum diberikan penempatan pekerjaan berdasarkan kepada konsep Latih dan Penempatan (*Train and Place*).
- 8.2 Pelatih/peserta hendaklah menamatkan latihan dan memperoleh persijilan yang dibiayai;
- 8.3 PL perlu memastikan pelatih/peserta yang menjalani latihan memenuhi satu atau lebih kriteria *outcome* seperti berikut:
 - i. Penempatan Pekerjaan/ Pengekalan Pekerjaan; atau
 - ii. Peningkatan Kerjaya/ Kenaikan Pangkat; atau
 - iii. Peningkatan Pendapatan.

9.0 PROSEDUR PERMOHONAN PEMBIAYAAN PELATIH/PESERTA

- 9.1 Permohonan Pembiayaan Program TVET Berimpak Tinggi hendaklah dibuat oleh Penyedia Latihan (PL) bagi pihak pelatih/peserta secara dalam talian (*online*) di laman web PTPK (<http://www.ptpk.gov.my>) melalui portal Penyedia Latihan dalam tempoh 60 hari daripada tarikh pelatih/peserta memulakan latihan.
- 9.2 Setelah permohonan pembiayaan Program TVET Berimpak Tinggi secara dalam talian (*online*) melalui Sistem Pengurusan Pinjaman PTPK (SPPiv) diluluskan, pelatih/peserta akan menerima e-mel pemakluman untuk membuat pengesahan penerimaan tawaran permohonan Portal MyPerkasa TVET PTPK;
- 9.3 Pelatih/peserta perlu mendaftar di Portal MyPerkasa TVET PTPK untuk membuat pengesahan penerimaan tawaran permohonan pembiayaan tersebut;
- 9.4 Setelah membuat pelatih/peserta pengesahan penerimaan tawaran permohonan pembiayaan Program TVET Berimpak Tinggi di Portal MyPerkasa TVET PTPK, PL hendaklah mencetak dokumen-dokumen permohonan di SPPiv dan perlu menghantar Surat Perjanjian dan dokumen sokongan ke PTPK dalam tempoh 60 hari daripada tarikh Surat Tawaran Pembiayaan dikeluarkan.
- 9.5 PL dan pelatih/peserta hendaklah memastikan semua dokumen seperti mana yang dinyatakan dalam Borang Senarai Semak Dokumen dilengkapi sebelum dikemukakan kepada PTPK.

10.0 PENOLAKAN PERMOHONAN

- 10.1 Permohonan Skim Pembiayaan Program TVET Berimpak Tinggi boleh ditolak atau dibatalkan atas mana-mana atau semua alasan berikut :
 - i. Penolakan di peringkat permohonan dalam talian:
 - (a) Maklumat tidak lengkap diisi secara dalam talian;
 - (b) Permohonan dalam talian melebihi 60 hari daripada tarikh pelatih/peserta memulakan latihan; dan
 - (c) Mana-mana alasan yang difikirkan munasabah oleh PTPK.
 - ii. Penolakan di peringkat penerimaan dokumen:

-
- (a) Pemohon yang memberikan apa-apa maklumat palsu, menyembunyikan apa-apa fakta atau memberikan maklumat yang mengelirukan;
 - (b) Gagal mengemukakan dokumen lengkap dalam tempoh **enam puluh (60) hari** dari tarikh surat tawaran dikeluarkan;
 - (c) Pemohon gagal mematuhi terma, syarat kelulusan permohonan; dan
 - (d) Mana-mana alasan yang difikirkan munasabah oleh PTPK.

11.0 TATACARA PENGISIAN SURAT PERJANJIAN

11.1 Perjanjian Skim Pembiayaan Program TVET Berimpak Tinggi perlu dicetak **sebanyak dua (2) salinan** bagi setiap pelatih/peserta dan dicetak secara depan belakang.

11.2 Tatacara mengisi dan melengkapkan Perjanjian:

i. Dakwat yang perlu digunakan

- (a) Pen/ pen mata bulat (*ball point*) berdakwat hitam atau biru sahaja. Pastikan hanya menggunakan satu warna pen sahaja.

ii. Sijil Setem

- (a) Mulai 1 Januari 2024, tiada lagi Setem hasil fizikal. Sijil Setem bernilai RM10.00 perlu disediakan sebanyak 2 keping. Sijil Setem boleh diperoleh melalui kaedah berikut:

Pembelian sijil setem secara online di portal LHDNM (<http://stamps.hasil.gov.my>)

- (b) Tarikh Perjanjian hendaklah sama seperti tarikh Surat Cara Perjanjian pada Sijil Setem.
- (c) Nilai Balasan pada sijil setem hendaklah sama seperti jumlah pinjaman/ pembiayaan yang diluluskan.

iii. Tandatangan

- (a) Pelatih/peserta hendaklah menurunkan tandatangan ringkas di ruang yang disediakan pada setiap helaian muka surat perjanjian.

iv. Kesilapan pengisian maklumat

-
- (a) Sekiranya berlaku kesilapan semasa mengisi maklumat, pelatih/peserta perlu gariskan satu garisan lurus dan turunkan tandatangan ringkas di sebelah kanan setiap pembetulan (tidak boleh menggunakan sebarang pemadam atau cecair pemadam (*liquid paper*)).
 - (b) Jika didapati kotor atau rosak, pelatih/peserta akan diminta mencetak semula Perjanjian.

11.3 Syarat-syarat saksi untuk Perjanjian

- i. Warganegara Malaysia;
- ii. Hendaklah benar-benar menyaksikan pelatih/peserta menurunkan tandatangan pada perjanjian;
- iii. Hendaklah menurunkan cap rasmi yang tertera nama, nombor kad pengenalan, jawatan dan jabatan di mana pegawai bertugas; dan
- iv. Individu yang layak menjadi saksi adalah seperti berikut:
 - (a) Wakil Rakyat (Parlimen & DUN) dan Senator;
 - (b) Pegawai Kerajaan Kumpulan Pengurusan dan Profesional (gred 41 ke atas);
 - (c) Pegawai Polis berpangkat ASP ke atas/ Pegawai Tentera berpangkat Kapten atau setaraf dan ke atas;
 - (d) Jaksa Pendamai, Penghulu, Ketua Kampung, Penggawa, Tuai Rumah, Ketua Kaum/ Mukim; atau
 - (e) Pengurus Pusat Bertauliah/ Pengurus Penyedia Latihan yang berdaftar dengan PTPK.
- v. Majistret/ Notari Awam/ Pesuruhjaya Sumpah tidak dibenarkan menjadi saksi kepada pelatih/peserta .
- vi. Semua jawatan di syarikat *Government Linked Company* (GLC), jawatan politik, jawatan Kerajaan bukan Kumpulan Pengurusan dan Profesional adalah TIDAK LAYAK menjadi saksi.

12.0 PROSEDUR TUNTUTAN BAYARAN BAKI YURAN LATIHAN 10%

- 12.1 Tuntutan Bayaran Baki Yuran Latihan 10 peratus (%) boleh dibuat pada bulan berikutnya dan tidak melebihi tempoh 3 bulan selepas pelatih/peserta menamatkan latihan.
- 12.2 Sebelum membuat tuntutan bayaran baki yuran 10%, PL hendaklah membuat pengemaskinian maklumat penempatan majikan sebenar dan *outcome* pelatih/peserta di dalam Sistem Pengurusan Pinjaman PTPK (SPPiv) sebelum mengemukakan tuntutan bayaran baki Yuran Latihan 10% (rujuk Lampiran 1);
- 12.3 PL hendaklah mengemukakan tuntutan Bayaran Baki Yuran Latihan 10% ke Agensi Penyelaras untuk penilaian *outcome*. Agensi Penyelaras akan mempertimbangkan dan memperaku pembayaran tuntutan Baki Yuran Latihan 10% bagi pelatih/peserta yang telah mencapai *outcome* yang ditetapkan seperti di perenggan 6 dan mengemukakan ke PTPK untuk tujuan pembayaran.



- 12.4 Sekiranya tiada tuntutan daripada PL selepas 3 bulan pelatih/peserta menamatkan latihan, Agensi Penyelaras dan Jawatankuasa Pemandu berhak untuk tidak mempertimbangkan membayar atau menolak tuntutan Bayaran Baki Yuran Latihan 10% berdasarkan budi bicara mutlaknya.
- 12.5 PL hendaklah memastikan semua dokumen Tuntutan Bayaran Baki Yuran Latihan 10% dilengkapkan sebelum dikemukakan kepada PTPK.

13.0 PEMBATALAN PEMBIAYAAN PROGRAM TVET BERIMPAK TINGGI

- 13.1 Pelatih/peserta atau Penyedia Latihan boleh membuat permohonan pembatalan pembiayaan Program TVET Berimpak Tinggi bagi pihak pelatih/peserta kepada pihak PTPK secara dalam talian (online) di platform yang disediakan oleh PTPK.
- 13.2 Terdapat dua (2) jenis pembatalan iaitu:
- Pembatalan Kelulusan di mana tiada apa-apa pembayaran pembiayaan Program TVET Berimpak Tinggi telah dilakukan oleh pihak PTPK sama ada kepada pelatih/peserta atau Penyedia Latihan; dan
 - Pembatalan Baki iaitu pembatalan yang dilakukan setelah terdapat apa-apa amaun bayaran telah dilakukan sama ada kepada pelatih/peserta

atau Penyedia Latihan.

13.3 Setiap permohonan pembatalan hendaklah menyatakan sebab-sebab pembatalan dan mengemukakan dokumen sokongan (jika berkaitan) untuk pertimbangan pihak PTPK. Kegagalan menyatakan sebab-sebab pembatalan dan dokumen sokongan (jika berkaitan) akan menyebabkan permohonan pembatalan tidak diproses dan ditolak.

13.4 Permohonan pembatalan hendaklah dikemukakan kepada PTPK selewat-lewatnya sebelum tempoh latihan kemahiran yang didaftarkan tamat.

14.0 PENALTI & PEMULANGAN BALIK PEMBIAYAAN PROGRAM TVET BERIMPAK TINGGI

14.1 Pelatih/peserta diwajibkan untuk menamatkan latihan yang diikuti dan sekiranya gagal, pelatih/peserta perlu membayar ganti rugi kepada PTPK sejumlah wang tidak melebihi RM5,000.00 yang diluluskan kecuali dengan sebab-sebab yang munasabah seperti kematian/ kecacatan kekal, menyambung pengajian, mendapat pekerjaan atau apa-apa sahaja alasan yang munasabah.

i. Pelatih/peserta akan dikenakan penalti jika:-

- (a) Pelatih/peserta dibuang daripada PL atas masalah disiplin;
- (b) Pelatih/peserta terlibat dengan kes-kes jenayah;
- (c) Pelatih/peserta gagal menamatkan program latihan kemahiran;
- (d) Pelatih/peserta melanggar fasal 3, 4, 5 dan 6 Perjanjian Program TVET Berimpak Tinggi;
- (e) Pelatih/peserta tidak terampil/ tidak lulus dan tidak membuat ulang nilai yang ditawarkan oleh PL; dan
- (f) Alasan-alasan lain yang munasabah dan diluluskan oleh Ketua Eksekutif.

ii. Rayuan penalti akan dipertimbangkan oleh Jawatankuasa Pemandu.

14.2 PL perlu memulangkan semula Yuran 90 Peratus (%) jika:

- i. PL gagal mengemukakan tuntutan bayaran yuran 10% mengikut tempoh masa yang ditetapkan;
- ii. PL gagal mencapai *outcome* Skim Pembiayaan Program TVET Berimpak Tinggi bagi seperti mana yang dinyatakan dalam perenggan 6 buku panduan ini;

-
- iii. Tuntutan bayaran baki yuran 10% tidak diperaku oleh Agensi Penyelaras;
 - iv. PL tidak melaksanakan Skim Pembiayaan Program TVET Berimpak Tinggi;
 - v. PL gagal menawarkan/ mendapatkan penempatan pekerjaan kepada pelatih/peserta ; dan
 - vi. Alasan-alasan lain yang munasabah dan diluluskan oleh Jawatankuasa Pemandu Program TVET Berimpak Tinggi.

14.3 PL hendaklah mengembalikan yuran latihan yang tidak layak diterima sekiranya

pelatih/peserta tidak menamatkan latihan atas sebab yang tidak munasabah. Pengiraan mengembalikan yuran latihan dibuat secara *proportionate* mengikut tempoh pelatih/peserta mengikuti latihan sahaja.

- a) Formula pengiraan jumlah yuran yang tidak layak dibayar ke PL adalah seperti berikut:

$$\text{Jumlah Pemulangan Yuran} = \frac{\text{Jumlah Yuran 90\%}}{\text{Tempoh Latihan}} \times \text{Tempoh Tidak Mengikuti Latihan}$$

14.4 Pelatih/peserta atau PL yang dikenakan penalti hendaklah membuat pembayaran keseluruhan kadar penalti yang telah ditetapkan dalam tempoh enam puluh (60) hari dari tarikh surat/ notis tuntutan yang dikeluarkan oleh PTPK.

15.0 RAYUAN PENALTI & PEMULANGAN SEMULA YURAN

15.1 Sekiranya mana-mana pelatih/peserta atau PL yang dikenakan penalti atau pemulangan semua yuran boleh mengemukakan rayuan penalti kepada Jawatankuasa Pemandu Program TVET Berimpak Tinggi tidak kurang 30 hari daripada tarikh surat/ notis tuntutan pembayaran penalti yang dikeluarkan oleh PTPK.

15.2 Semua rayuan dialamatkan kepada Pengerusi Jawatankuasa Pemandu Program TVET Berimpak Tinggi serta menyatakan justifikasi-justifikasi rayuan untuk pertimbangan jawatankuasa.

16.0 PROSEDUR PEMANTAUAN

- 16.1 PL hendaklah memastikan pelatih/peserta menamatkan latihan dan memperoleh pensijilan yang dibiayai.
- 16.2 PL hendaklah memastikan selepas menamatkan latihan pelatih/peserta mendapat penempatan pekerjaan dan mencapai outcome yang ditetapkan.
- 16.3 PTPK akan melaksanakan pemantauan pelaksanaan program dari semasa ke semasa sehingga program tamat dan penempatan pelatih/peserta ke dalam industri.

17.0 KATEGORI PERMOHONAN PEMBATALAN PEMBIAYAAN PROGRAM TVET BERIMPAK TINGGI

17.1 Terdapat dua (2) jenis pembatalan skim Pembiayaan Program TVET Berimpak Tinggi iaitu:

- (a) Pembatalan Kelulusan; dan
- (b) Pembatalan Baki Kelulusan

17.2 Pembatalan kelulusan Pembiayaan Program TVET Berimpak Tinggi

- i. Pembatalan kelulusan pembiayaan adalah merujuk kepada permohonan pembatalan bagi pelatih/peserta yang telah diluluskan di bawah Skim Pembiayaan Program TVET Berimpak Tinggi namun tiada apa-apa bayaran telah dilakukan kepada pelatih/peserta atau PL.
- ii. Pembatalan Kelulusan pelatih/peserta tidak melibatkan apa-apa implikasi kewangan kerana tiada bayaran yang dilakukan oleh PTPK. Pembatalan Kelulusan akan membolehkan PL menggunakan semula kapasiti/ peruntukan/ kuota yang telah digunakan oleh pelatih/peserta tersebut. Sehubungan dengan itu, PL boleh mendaftarkan semula kapasiti/ peruntukan/ kuota yang telah dibatalkan tersebut.

17.3 Pembatalan baki Pembiayaan Program TVET Berimpak Tinggi

- i. Pembatalan Baki Pembiayaan Program TVET Berimpak Tinggi adalah merujuk kepada permohonan pembatalan bagi pelatih/peserta - pelatih/peserta yang telah diluluskan di bawah Skim Pembiayaan Program TVET Berimpak Tinggi dan PTPK telah membuat bayaran sama ada kepada pelatih/peserta dan atau PL.

-
- ii. Pembatalan Baki Pembiayaan Program TVET Berimpak Tinggi turut membawa maksud bahawa terdapat jumlah pembiayaan yang masih tidak dilakukan lagi.
 - iii. PTPK hendaklah memastikan tiada apa-apa pembayaran atau pembayaran lanjut dilakukan kepada pelatih/peserta dan/atau PL sekiranya diluluskan pembatalan baki. Ini adalah selaras dengan peruntukan Skim Pembiayaan Program TVET Berimpak Tinggi.

17.4 Justifikasi atau sebab-sebab pembatalan Pembiayaan Program TVET Berimpak Tinggi

- i. Senarai berikut adalah justifikasi atau sebab-sebab pembatalan Pembiayaan Program TVET Berimpak Tinggi:
 - (a) Tidak berminat meneruskan latihan;
 - (b) Sambung belajar/ pengajian;
 - (c) Mendapat tawaran kerja;
 - (d) Pelatih/peserta menghadapi masalah kesihatan;
 - (e) Menerimaa tajaan pihak lain;
 - (f) Pembiayaan sendiri;
 - (g) Menjaga ibu/ bapa/ pasangan/ anak yang sedang sakit;
 - (h) Dibuang dari Penyedia Latihan kerana masalah disiplin
 - (i) Dibuang dari Penyedia Latihan kerana masalah jenayah;
 - (j) Pelatih/peserta meninggal dunia;
 - (k) Pelatih/peserta menukar program latihan kemahiran;
 - (l) Kesilapan pada maklumat permohonan; dan
 - (m) Pelanggaran Fasal 6,7, dan 8 Pembiayaan Program TVET Berimpak Tinggi.
- ii. Senarai di 3.4.1 akan bertambah dari semasa ke semasa mengikut keadaan dan senario semasa.

18.0 PROSEDUR PERMOHONAN PEMBATALAN PEMBIAYAAN PROGRAM TVET BERIMPAK TINGGI

- 18.1 Permohonan Pembatalan hendaklah dilakukan secara dalam talian (*online*) melalui Portal MyPerkasa TVET bagi permohonan oleh pelatih/peserta dan atau Sistem Pengurusan pinjaman (SPPiv) oleh PL.
- 18.2 Walau bagaimanapun, PTPK berhak mengesyoran Pembatalan dilakukan atas sebab-sebab kegagalan pelatih/peserta mematuhi peraturan Skim Pembiayaan Program TVET Berimpak Tinggi yang berkuat kuasa seperti:

-
- i. Tidak mengemukakan dokumen bayaran susulan dalam tempoh yang ditetapkan;
 - ii. Kegagalan mengemukakan dokumen-dokumen sokongan dalam tempoh yang ditetapkan;
 - iii. Gagal mencapai outcome skim pembiayaan yang telah ditetapkan; dan
 - iv. Perlanggaran kelulusan Skim Pembiayaan Program TVET Berimpak Tinggi.

18.3 Permohonan pembatalan tersebut akan disemak dan diangkat untuk pertimbangan dan kelulusan Ketua Eksekutif PTPK.

18.4 Pemakluman kepada pelatih/peserta dan PL akan dilakukan setelah permohonan tersebut diluluskan oleh Ketua Eksekutif mengikut kaedah yang ditetapkan oleh PTPK.

19.0 PROSEDUR TUNTUTAN PEMBAYARAN BALIK BATAL BAKI PEMBIAYAAN PROGRAM TVET BERIMPAK TINGGI

19.1 Kutipan Bayaran Yuran Yang Tidak Layak

- i. Kutipan bayaran yuran tidak layak akan dibuat kepada PL berdasarkan tempoh latihan yang tidak diikuti oleh pelatih/peserta .
- ii. Selaras dengan GP Pembiayaan Program TVET Berimpak Tinggi mana-mana penerima peruntukan Pembiayaan Program TVET Berimpak Tinggi, hendaklah memulangkan apa-apa amaun selaras yang dinyatakan di para 12.6 GP Pembiayaan Program TVET Berimpak Tinggi bagi:
 - a) Jika latihan tidak ditamatkan oleh penerima pinjaman mengikut program latihan yang diluluskan; atau
 - b) Jika latihan tidak dihadiri oleh penerima pinjaman.
- iii. Penyedia Latihan hendaklah membuat pemulangan pembayaran yuran yang tidak layak kepada PTPK dalam tempoh enam puluh (60) hari dari tarikh notis tuntutan dikeluarkan.

19.2 Pembatalan Baki Di Bawah Fasal 3 Perjanjian Pembiayaan Program TVET Berimpak Tinggi.

- i. Kategori pembatalan baki Pembiayaan Program TVET Berimpak Tinggi di bawah Fasal 3 adalah seperti berikut:

-
- a) Pelatih/peserta meninggal dunia semasa dalam tempoh latihan;
 - b) Pelatih/peserta berhenti meneruskan/ meninggalkan program latihan kerana:

- (a) Masalah kesihatan;
- (b) Melanjutkan pengajian;
- (c) Mendapat tawaran kerja;
- (d) Perlu menjaga ibu/ bapa/ pasangan/ anak yang sedang sakit; atau
- (e) Sebab-sebab lain yang diluluskan oleh Ketua Eksekutif.

- ii. Mana-mana pelatih/peserta yang diluluskan batal baki Pembiayaan Program TVET Berimpak Tinggi di bawah Fasal 3 Perjanjian akan membuat pembayaran balik mengikut jadual bayaran balik dengan jumlah ansuran bulanan mengikut jumlah yang telah dikeluarkan.

- (a) Masalah kesihatan;
- (b) Melanjutkan pengajian;
- (c) Mendapat tawaran kerja;
- (d) Perlu menjaga ibu/ bapa/ pasangan/ anak yang sedang sakit; atau
- (e) Sebab-sebab lain yang diluluskan oleh Ketua Eksekutif.

19.3 Pembatalan Baki Di Bawah Dasar 9 Perjanjian Pembiayaan Program TVET Berimpak Tinggi

- i. Kategori pembatalan baki Pembiayaan Program TVET Berimpak Tinggi di bawah Fasal 9 perjanjian adalah seperti berikut:
 - a) Meninggalkan program latihannya sebelum sempurnanya program itu; atau
 - b) Menukarkan program latihannya, tanpa persetujuan Ketua Eksekutif Perbadanan; atau
 - c) Menyebabkan Perjanjian ini ditamatkan mengikut Fasal 6, 7 dan 8 Perjanjian; atau
 - d) Dibuang dari Penyedia Latihan di mana program latihannya itu atau mana-mana bahagiannya dijalankan atas apa-apa sebab; atau
 - e) Digantung daripada program latihannya; atau

f) Diisytiharkan bankrap oleh Mahkamah; atau

g) Telah melakukan pelanggaran yang menyebabkan Perjanjian ditamatkan;

19.4 Terdapat **dua (2)** jenis pembatalan baki skim Pembiayaan Program TVET Berimpak Tinggi iaitu:

- (a) Pembatalan Baki Tanpa Penalti; dan
- (b) Pembatalan Baki Dengan Penalti

19.5 Pembatalan Baki Tanpa Penalti

- i. Pembatalan Baki tanpa penalti bermaksud pelatih/peserta tidak dikenakan pembayaran ganti rugi kepada PTPK dan PL pula tidak perlu membuat pemulangan semula bayaran yuran 90% kepada PTPK.
- ii. Kriteria Pembatalan Baki tanpa penalti adalah seperti berikut;
 - (a) Pelatih/peserta telah meninggal dunia semasa tempoh latihan;
 - (b) Pelatih/peserta terlibat dengan kemalangan sehingga disahkan mengalami cacat kekal;
 - (c) Pelatih/peserta disahkan tidak sihat/ menghadapi penyakit yang disahkan oleh Pegawai Perubatan Kerajaan;
 - (d) Pelatih/peserta menyambung pengajian ke tahap lebih tinggi/ baik;
 - (e) Pelatih/peserta mendapat tawaran bekerja; atau
 - (f) Alasan-alasan lain yang munasabah dan diluluskan oleh Ketua Eksekutif.

19.6 Pembatalan Baki Dengan Penalti

- i. Objektif utama penetapan elemen penalti di bawah Skim Pembiayaan Program TVET Berimpak Tinggi adalah bagi memastikan dana yang disalurkan dimanfaatkan sepenuhnya oleh pelatih/peserta dan PL bagi mengikuti latihan kemahiran.
- ii. Terdapat dua (2) Kategori Batal Baki Dengan Penalti iaitu:
 - (a) Penalti dikenakan kepada Pelatih/peserta ; atau
 - (b) Penalti dikenakan kepada PL.

-
- iii. Kriteria Pembatalan Baki Dengan Penalti dikenakan kepada Pelatih/peserta adalah seperti berikut:
- (a) Pelatih/peserta dibuang daripada PL atas masalah disiplin;
 - (b) Pelatih/peserta terlibat dengan kes-kes jenayah;
 - (c) Pelatih/peserta gagal menamatkan Skim Pembiayaan Program TVET Berimpak Tinggi;
 - (d) Pelatih/peserta melanggar fasal 3, 4, 5 dan 6 Perjanjian Pembiayaan Program TVET Berimpak Tinggi;
 - (e) Pelatih/peserta tidak terampil/ tidak lulus dan tidak membuat ulang nilai yang ditawarkan oleh PL;
 - (f) Alasan-alasan lain yang munasabah dan diluluskan oleh Ketua Eksekutif.
- iv. Kriteria Pembatalan Baki Dengan Penalti dikenakan kepada PL adalah seperti berikut:
- (a) PL gagal mengemukakan tuntutan bayaran yuran 10% mengikut tempoh masa yang ditetapkan;
 - (b) PL gagal mencapai *outcome* Skim Pembiayaan Program TVET Berimpak Tinggi;
 - (c) PL tidak melaksanakan Skim Pembiayaan Program TVET Berimpak Tinggi;
 - (d) PL gagal menawarkan/ mendapatkan penempatan pekerjaan kepada pelatih/peserta ;
 - (e) Alasan-alasan lain yang munasabah dan diluluskan oleh Ketua Eksekutif.

19.7 Penetapan Kadar Penalti

- i. Seperti mana yang dinyatakan pada buku panduan dan juga perjanjian, kadar penalti yang akan dikenakan kepada pelatih/peserta adalah sejumlah wang tidak melebihi RM5,000.00 atau jumlah lain seperti mana yang dinyatakan dalam buku panduan atau perjanjian.
- ii. Manakala kadar penalti yang dikenakan kepada PL pula adalah pemulangan semula jumlah bayaran yuran 90% yang telah dibayar oleh PTPK kepada PL atau jumlah lain seperti mana yang dinyatakan dalam buku panduan atau Surat Tawaran & Penerimaan Tawaran Program TVET Berimpak Tinggi.
- iii. Penetapan kadar penalti kepada pelatih/peserta adalah sama dengan jumlah bayaran Program TVET Berimpak Tinggi yang telah dibayar oleh PTPK namun tidak boleh melebihi RM5,000.

-
- iv. Walau bagaimanapun, Jawatankuasa Khas Rayuan Penalti tidak terhalang untuk menetapkan kadar penalti yang lain yang difikirkan sesuai dan munasabah dikenakan ke atas pelatih/peserta .

19.8 Prosedur Tuntutan Pembayaran Penalti

- i. PTPK akan mengeluarkan surat/ notis tuntutan pembayaran penalti kepada pelatih/peserta /PL dan tuntutan tersebut akan diposkan ke alamat surat-menyurat pelatih/peserta / PL.
- ii. Pelatih/peserta / PL perlu membuat pembayaran keseluruhan kadar penalti yang telah ditetapkan dalam tempoh enam puluh (60) hari dari tarikh surat/ notis tuntutan yang dikeluarkan oleh PTPK.
- iii. Sekiranya pelatih/peserta / PL gagal membuat pembayaran keseluruhan kadar penalti yang telah ditetapkan selepas tempoh tersebut, maka tindakan selanjutnya adalah dengan mengemukakan kes tersebut kepada Cawangan Litigasi untuk tindakan perundangan seterusnya.

20.0 KUASA MELULUSKAN PEMBATALAN

- 20.1 Berdasarkan Skim Pembiayaan Program TVET Berimpak Tinggi, kuasa untuk meluluskan atau menolak permohonan pinjaman latihan kemahiran adalah di bawah bidang kuasa Ketua Eksekutif PTPK.
- 20.2 Sehubungan dengan itu, berdasarkan kepada Skim Pembiayaan Program TVET Berimpak Tinggi menyatakan bahawa mana-mana pinjaman yang diluluskan di bawah Skim Pembiayaan Program TVET Berimpak Tinggi boleh dibatalkan. Maka ini boleh ditafsirkan bahawa kuasa untuk meluluskan pembatalan pinjaman/ pembiayaan latihan kemahiran adalah di bawah bidang kuasa Ketua Eksekutif PTPK.
- 20.3 Penetapan tarikh kuat kuasa pembatalan baki pinjaman dan pembiayaan latihan kemahiran adalah pada tarikh semasa mengikut bulan pada jadual bayar yang masih belum diproses selepas kelulusan permohonan pembatalan baki diluluskan oleh Ketua Eksekutif PTPK atau tarikh yang ditetapkan oleh Ketua Eksekutif PTPK.

21.0 LAMPIRAN

- 21.1 Rayuan senarai dokumen yang digunakan dalam prosedur permohonan dan prosedur pembayaran pelatih/peserta Skim Pembiayaan Program

TVET Berimpak Tinggi.

Lampiran 1 :	Senarai Semak Dokumen Permohonan
Lampiran 2 :	Contoh Surat Tawaran & Penerimaan Tawaran Program TVET Berimpak Tinggi
Lampiran 3 :	Contoh Surat Perjanjian Program TVET Berimpak Tinggi
Lampiran 4 :	Borang Kebenaran/ Keizinan Pembayaran Yuran Latihan Terus Ke Akaun Bank Penyedia Latihan
Lampiran 5 :	Senarai Semak Dokumen Tuntutan Bayaran Baki Yuran Latihan 10%
Lampiran 6 :	Borang Tuntutan Bayaran Baki Yuran Latihan 10%

22.0 KUASA PERBADANAN

22.1 Perbadanan boleh pada bila-bila masa, menggantung atau membatalkan pendaftaran penyedia latihan kemahiran jika penyedia latihan melanggar mana-mana peruntukan di dalam Skim Pembiayaan Program TVET Berimpak Tinggi.

23.0 TARIKH KUAT KUASA/ RUJUKAN

23.1 Buku panduan dan prosedur tuntutan bayaran ini hendaklah diguna pakai oleh PTPK/ PL berkuat kuasa mulai ia dikeluarkan dan hendaklah dibaca bersekali dengan Arahana Perbendaharaan dan pekeliling lain yang berkaitan yang masih berkuat kuasa.



MAJLIS TVET NEGARA



PERBADANAN TABUNG PEMBANGUNAN KEMAHIRAN

LAMPIRAN 1

Borang Permohonan



MAJLIS TVET NEGARA



PERBADANAN TABUNG PEMBANGUNAN KEMAHIRAN

LAMPIRAN 2

Senarai Semak Dokumen Permohonan



MAJLIS TVET NEGARA



PERBADANAN TABUNG PEMBANGUNAN KEMAHIRAN

LAMPIRAN 3

Contoh Surat Tawaran & Penerimaan Tawaran Pembiayaan



MAJLIS TVET NEGARA



PERBADANAN TABUNG PEMBANGUNAN KEMAHIRAN

LAMPIRAN 4

Contoh Surat Perjanjian



MAJLIS TVET NEGARA



PERBADANAN TABUNG PEMBANGUNAN KEMAHIRAN

LAMPIRAN 5

**Borang Kebenaran/ Keizinan Pembayaran Yuran Latihan Terus
Ke Akaun Bank Penyedia Latihan**



MAJLIS TVET NEGARA



PERBADANAN TABUNG PEMBANGUNAN KEMAHIRAN

LAMPIRAN 6

Senarai Semak Dokumen Tuntutan Bayaran Baki Yuran Latihan 10%



MAJLIS TVET NEGARA



PERBADANAN TABUNG PEMBANGUNAN KEMAHIRAN

LAMPIRAN 7

Tuntutan Bayaran Baki Yuran Latihan 10%
